

Javna ustanova "KAMERNI TEATAR 55 SARAJEVO", sa sjedištem u Sarajevu, ul. Maršala Tita 56/II, koju zastupa Emir Hadžihafizbegović, direktor (u daljem tekstu: KUPAC) i

PROFI TEX d.o.o Vareš sa sjedištem u Varešu ul. Zvijezda br. 25, koju zastupa Safet Redžepagić, direktor (u daljem tekstu: Prodavac), zaključili su

UGOVOR O JAVNOJ NABAVCI

dodijeljen u postupku javne nabavke – postupak direktnog sporazuma,
u predmetu nabavke materijala za izradu kostimografije

I PREDMET UGOVORA

Član 1.

Predmet ovog ugovora je nabavka materijala za izradu kostimografije za potrebe Kupca, prema ponudi i specifikaciji broj: 18-III/17 od 6.3.2017.godine, koja je sastavni dio ovog Ugovora.

II NAČIN, MJESTO I ROK ISPORUKE

Član 2.

Prodavac se obavezuje da će izvršiti isporuku potrebnih roba sukcesivno, prema potrebama Kupca i karakteristikama datim u priloženoj specifikaciji.

Član 3.

Prodavac je obavezan robu isporučiti u roku jedan dan od momenta prijema narudžbe. Isporuka robe je fco Kupac – prostorije Kupca na adresi ul. M.Tita 56/II.

III UTVRĐIVANJE KVANTITETA I KVALITETA

Član 4.

Prodavac je dužan da isporučuje robu čiji kvalitet odgovara važećim standardima BiH i ugovorenom kvalitetu, kao i da robu deklarira prema važećim propisima.

Član 5.

Prodavac odgovara za kvalitet isporučene robe saglasno važećim propisima i standardima.

Član 6.

Kupac će nakon svake isporuke vršiti usaglašavanje količine i kvaliteta isporučene robe sa prodavcem na osnovu uvida u otpremnice, certifikate kvaliteta i ostale dokaze.

Za oštećenje primljenih proizvoda Kupac će sačiniti zapisnik kojeg će najkasnije u roku od tri dana dostaviti Prodavcu i Prodavac se obavezuje priznati reklamacije koje su propraćene odgovarajućom dokumentacijom i povratom oštećenih proizvoda.

IV PRODAJNA CIJENA I PLAĆANJE

Član 7.

Kupac roba će za dostavljene robe prodavcu roba, platiti pojedinačne cijene usluga po ponudi broj: 18-III/17 od 6.3.2017.godine, a koja je sastavni dio ovog ugovora, s tim da ukupna cijena do kraja važenja ovog ugovora neće preći iznos od 6.000,00 KM, bez PDV-a.

Cijene roba utvrđene su ponudom, koja čini sastavni dio ovog ugovora.

Cijene su fiksne i garantovane za 2017. godinu.

Cijene su na paritetu FCO Kamerni teatar 55 Sarajevo.

Član 8.

Ugovorne strane su se sporazumjele:

- da je rok isporuke jedan dan od momenta prijema narudžbe u prostorije kupca na adresu ul. M.Tita 56/II
- da se roba koja je predmet ovog ugovora u toku godine sukcesivno isporučuje prema potrebi Kupca
- da se obračun izvršenih isporuka ima platiti posebno za svaku isporuku
- da Kupac plati Prodavcu isporučenu u roku od 30 dana od dana isporuke – virmanski.

V PRELAZNE I ZAVRŠNE ODREDBA

Član 9.

Ovaj Ugovor važi do 31.12.2017. godine.

Član 10.

Sve eventualne sporove koji nastanu u izvršenju ovog ugovora, ugovorne strane će nastojati da sporazumno riješe, a u slučaju da spor ne mogu riješiti nadležan je sud sa sjedištem u Sarajevu.

Član 11.

Na sve ono što nije regulisano ovim ugovorom primjenjivat će se odredbe Zakona o obligacionim odnosima i Zakona o upravnom postupku i drugi važeći propisi i standardi.

Član 12.

Ugovor je sačinjen je u četiri istovjetna primjerka, od kojih svaka ugovorna strana zadržava po dva primjerka.

PRODAVAC




Safet Redžepagić, direktor

Broj: 30-03/17

Sarajevo, 22.3.2017

KUPAC



Emir Hadžihafizbegović, direktor

Broj: 150-U/17

Sarajevo, 22.3.2017.

